



svijetosiguranja.eu



Wiener osiguranje dobitnik Günter Geyer nagrade

Vienna Insurance Group uručila je Wiener osiguranju Günter Geyer nagradu za društvenu osviještenost. Navedena nagrada predstavlja priznanje za projekt afirmacije kulture čitanja u cilju poboljšanja kvalitete obrazovanja djece u osnovnim i srednjim školama širom Bosne i Hercegovine.

Günter Geyer nagradu za društvenu osviještenost je uspostavio glavni dioničar Wiener Städtische Versicherungsverein 2012. godine. Od tada ova nagrada se svake godine dodjeljuje VIG-ovim kompanijama koje su svojim aktivnostima ili aktivnostima svojih zaposlenika dale izuzetan društveni doprinos zajednici u kojoj posluju.

Gabor Lehel, predsjednik Upravnog odbora Wiener osiguranja VIG je uručio Günter Geyer priznanje generalnom direktoru Wiener osiguranja te tom prilikom istaknuo: „Društveni angažman je dio DNK Grupacije, stoga smo ponosni na Wiener osiguranje VIG i njihov snažan poticaj i posvećenost društvenim projektima. Ovo priznanje je potvrda njihovog dosadašnjeg rada i motivacija da nastave i dalje razvijati put koji su odabrali. Čestitam i ovim putem kompletnom Wiener timu na ovom posebnom priznanju“.

„Izuzetno smo ponosni što su naše aktivnosti u različitim segmentima u proteklih nekoliko godina prepoznate i vrednovane među aktivnostima svih drugih članica VIG Grupe. Priznanje Günter Geyer za društvenu osviještenost je posebno značajno, jer predstavlja uvažavanje svih zaposlenika koji pružaju nesebičan osobni angažman pri realizaciji gotovo svih naših društveno-odgovornih projekata“, izjavio je Borislav Doder, generalni direktor Wiener osiguranja VIG.

U proteklih godinama, Wiener osiguranje VIG je ponosni dobitnik nekoliko priznanja Vienna Insurance Group. Projekat na temu različitosti koji se tiče „Employer Branding-a“ proglašen je 2020. godine za jedan od tri najbolja na nivou VIG Grupe. Unutar programa „VIG Xelerate“ koji nagraduje najbolje digitalne ideje Grupacije, Wiener-ov WEB Agent je 2021. godine nagrađen prvim mjestom. Posebno značajna su priznanja „Award in Recognition“ namijenjena pojedincima koji se na nivou Grupacije ističu po nesebičnom zalaganju u svojoj lokalnoj zajednici. Među nagrađenima, protekle dvije godine zaredom, su zaposlenici Wiener osiguranja VIG.

Vienna Insurance Group (VIG), sa sjedištem u Beču, vodeća je osiguravajuća grupa u cijeloj regiji Centralne i Istočne Europe (CEE). Više od 50 osiguravajućih društava i mirovinskih fondova u 30 zemalja čine Grupu s dugogodišnjom tradicijom, jakim brendovima i bliskim odnosima s klijentima. Oko 29.000 zaposlenih u VIG-u brine o svakodnevnim potrebama više od 28 milijuna klijenata. Osim Günter Geyer priznanja, Wiener osiguranje VIG ove godine je dobitnik Superbrands titule te “BalCannes” srebra za kampanju “Šta ako” u segmentu korporativnih komunikacija.

svjetosiguranja.eu, 28.6.2023.

Evidencijski broj / Article ID: 14569230

Naslov / Title: Wiener osiguranje dobitnik Günter Geyer nagrade

URL: [Originalni lanak](#)

OTS:

